

23.2.2008

Betreff: Döffli Raser

Salü mitenand

E chleine Tipp für alli wo Döffli fahre: diend eure Kopf nid hinter em Länker verstecke wenn dr mit 100km/h uf dr Stroos diend fahre, s ändet in de meiste fäll mitemä Crash. So hanis zumindest hüt beobachtet! Aber dä Siech isch ufgstande und het kei Kratzer kha, ok s het so ussgseh, als ob ihm dr Chopf e chli würd weh mache...

D Shopping Queen Mischa isch hüt gsi go iechaufe, hanen richtig miessä brämse suscht hätti är dr ganzi Market leer kauft :-)

Mit em Divemaster em Petrus gohts übrigens viel besser, är het e neuu Bliebi gfunde und ich hanem die letschtä Däg chli ghulfe bim putze und Matraze uf em Döffli transportiere (jo, das isch au eher kriminell gsi).

Morn gönn mir wieder uf e nögschti Tauchtrip, das heisst so ab Mittwoch gits News und neuu Föteli.

Ansunschte nimmt alles si Lauf, wenn i das richtig verstande ha, het me mir gestert e Job abote, als Lehrerin (Dütsch oder Änglisch), aber sisch mr nid ganz klar, ab wenn i dört könnt schaffe...salow salow (slow, slow)!

Also händs no guet

Diend nid z wild, sunscht sin ihr nüm im Bild...gröll :-)

Carmen